



COLLEGII VALENSIS

STATUTA.



RPJCM

COLLEGII VALENSIS,
QUOD EST
NOVO-PORTU,
CONNECTICUTENSIIUM,
STATUTA,
A
PRÆSIDE
ET
SOCIIS
SANCITA.

XX

In Usum Juventutis Academicæ.

XX

XX

NOVO-PORTU:
Excudebat JACOBUS PARKER, MDCCCLV.
[Liber Primus Novo-Portu impressus.]





COLLEGII VALENSIS STATUTA.



TITULUS I.

De Admissione in Collegium.



ADMISSIONEM in hoc Collegium Nemo expectet, nisi qui è Præsidis et Tutorum Examine, Tullium, Virgilium, et Testamentum Græcum extempore legere, reddere, ac grammaticè resolvere, et Prosâ veram Latinitatem scribere po-

tuerit; et Prosodiæ ac Arithmetices vulgaris Regulas perdidicerit: atque Testimonium idoneum de Vitâ ac Moribus inculpatis exhibuerit.

2. NEMO nondum Gradu ornatus in hoc Collegium admittetur, priusquam Pater vel Guardianus ejus, aut aliquis Homo competens Dispensatori Syngrapham idoneam consignavit ad Tabulas ejus trimestres solvendas, Auctoritate Collegii deinceps approbandas, quàm diu Collegiî Alumnus extiterit: quam Syngrapham Dispensator custodiet; donec Scholaris ille Gradu secundo donatus sit; nisi è Præsidis Mandato citiùs sit resignata. Et Dispensator Rationem et Computum generalem, de Sumptibus et Debitis in Tabulis trimestribus irrogandis, Patri aut Guardianò exhibeat vel transmittat.

B

3. UNU-

3. UNUSQUISQUE Admissionis Candidatus horum Statutorum Exemplar emat, aut penes se conservet: quod à Præside et uno vel pluribus Tutorum subscriptum, Admissionis ejus in Collegium Testimonio sit.

4. OMNIS Scholaris in hoc Collegium admissus, Alumnus ejusdem deinceps habebitur, et (utrùm absens aut presens) quod Ratione Tuitiois, &c. debitum fuerit, persolvere tenebitur, usque dum Jure dimissus fuerit, vel saltem è Parentis vel Guardiani Consilio (si impuber sit) à Præside Dimissionem expetiverit.

5. SIQUIS Scholaris Tabulam trimestrem, Auctoritate Collegii approbatam, persolvere tres Menses recusaverit aut neglexerit, Dispensator Delicti ejusdem Delationem scriptam Præsidi exhibeto: et is qui Negligentiâ persisterit, Patre vel Guardiano rogato et quoque recusante, à Præside, consultis Tutoribus, è Collegio dimittatur.

6. NULLUS Recens post Vacationem finitam admittetur, nisi paucos Dies per Ægrotationem, vel aliquam Causam momentosam et gravissimam detentus sit: Et siqui in Vacatione examinati et approbati, post Vacationem finitam absentes fuerint, absque Ratione validâ, à Præside approbatâ, Multâ communi puniuntur: Si vero usque ad Finem Terminis trimestris primi absentes fuerint, pro illo Anno rejiciuntur, vel saltem ultimi in Classe collocantur.

7. PRÆSES, cum consilio Tutorum, sub Finem Terminis trimestris primi, Recentes Ordine idoneo, quo declamabunt, et inter Preces ac Recitationes stabunt, collocabit.

TITU-





TITULUS II.

De Vitâ piâ ac religiosâ.

I. *** OMNES Scholares Vitas agent religiosas, pias, et
 *** O *** inculpatas, secundum Verbi Divini Regulas,
 *** Scripturas sacras, Lucis ac Veritatis divinæ
 Fontem diligenter perlegentes, atque in omnia Religionis
 Officia, tam publica quam secreta, assiduò incumbentes.

2. PRÆSES aut, illo absente, unus Tutorum vicissim,
 Manè ac Vesperis quotidiano in Aulâ adorabit, et Caput
 aut aliquam Partem Sacræ Scripturæ idoneam perleget;
 nisi Concio, vel aliqua Exercitatio Theologica interfit.
 Atque unusquisque Academiæ Alumnus tam graduatus
 quam non graduatus, aut in Collegio aut in Oppido
 commorans, interesse tenetur, sub Pœnâ unius Denarii
 cuilibet non graduato (absque Ratione necessariâ) absenti,
 et Oboli cuivis tardè, *i. e.* post Præsidem accedenti, aut
 citiùs egredienti.

3. PRÆSES, quotiescunque Tempus illi fuerit superva-
 caneum, Sermones, Expositiones aut Dissertationes, quas
 sibi visum fuerit, ad Studentes instruendos accommodatas,
 in Aulâ exhibere desideratur, quibus publicè indictis, quilibet
 Studiosus interesse, sub Pœnis prædictis, obligatur.

4. OMNES Scholares, Diebus dominicis, ac Feriis Auc-
 toritate publicâ indictis, et Lecturis publicis à Præside
 institutis, in Aulâ vel Sacello Academico, Cultui divino
 interesse obligantur, sub Pœnâ quatuor Denariorum pro
 Absentiâ (absque Ratione necessariâ) in alterutrâ Parte Diei
 Dominici aut Fasti, et trium Denariorum pro Absentiâ à
 Lecturâ, et unius Denarii pro Tarditate. Si vero ullus
 Studiosus per Ægrotationem, vel aliam quamvis Causam
 necessariam detentus sit, id Mane Præsidi, vel uni

Tutorum præmonstrabit, alioquin Excusatio ejus habebitur inanis, nisi aliundè justa manifestè appareat.

5. NULLUS Scholaris ad aliquem, Religionis Prætextu, Conventum publicum vel privatum, Auctoritate publicâ non sancitum aut toleratum, vel à Præside non approbatum, Die dominico aut alio accedet, sub Poenâ Mulctæ, Admonitionis publicæ, vel aliter secundum Offensionis Statum ac Meritum.

6. SIQUIS Studiosus, Negotio, Oblectatione, aut Deambulatione nullo Modo necessariâ, Diem Dominicum profanet, vel alium quemvis Scholarem, vel Peregrinum, in Cubiculum suum admittat, vel Vesperi præcedenti aut succedenti indecenter strepitet aut conturbet, vel inter Cultum publicum aut Preces in Aulâ Academicâ profanè aut indecorè se gerat, puniatur Admonitione, aut aliter, prout Status et Meritum Criminis postulabunt.

7. QUILIBET Scholaris singulis eorum Superioribus, scilicet, Parentibus, Magistratibus, Ministris, et præcipuè hujusce Collegii Præsidi, Sociis et Tutoribus, omnimodum Honorem et Reverentiam Verbis et Gestu exhibeto, nec aliquem contumeliosum, calumniantem, fastidiosum, aut contumacem Sermonem ullo modo usurpet; sed è contra, omnia Reverentiæ et Obsequii Signa eis indicato; in eorum nempè Præsentiâ Caput aperiendo, assurgendo, Corpus incurvando et Linguam comprimendo. Et speciatim omnes non Graduati in Areâ Academicâ, Præside vel altero Sociorum aut Tutorum præsentem, nudati Capite sunt, atque etiam alicubi in eorum Præsentiâ aut Conspectu. Omnes quoque Artium Baccalaurei in Areâ Academicâ, Præside præsentem, Capita aperiant. Et Aulam Academicam ingrediente vel egrediente Præside (Cultu divino eo Tempore non actô) unusquisque Corpus incurvato. Similiter omnes Scholares juniores Senioribus et Superioribus Reverentiam et Distantiam congruam exhibento; scilicet, ubi convenerint, Locum potiore cedendo; ubi

Coloniæ receptam et approbatam, *Wollebium*, *Amesii Medullam*, aut aliud quodvis Theologiæ Syſtema, à Præſide et Sociis approbatum, recitanto. Die Martis et Veneris, quilibet non Graduatus, Ordine proprio, circiter ſex unâ Vice, declamato in *Lingua Anglicanâ*, *Latinâ*, *Græcâ*, aut *Hebraicâ*, et nullâ aliâ abſque Præſidis Veniâ ſpeciali. Et protinus Declamationem ſuam nitidè ſcriptam, et nomine ſuo ſignatam Tutori ſuo tradet. Duæ Claffes ſeniores bis qualibet Septimanâ in Aulâ diſputanto. Et ſi ullus Pupillus à Recitatione vel Diſputatione ſine Veniâ abſuerit, duobus, et à Declamatione ſex Denariis mulctator.

4. SIQUIS Scholaris præfata Exercitia publica perſæpè negligat, aut penitus perfunctoriè perficiat, punietur Mulctâ, Admonitione, Degradatione, aut etiam Expulſione, prout Criminis Ratio et Gradus poſtulabunt.

5. SOPHISTÆ Seniores Recitationes cæteraque Exercitia publica uſque ad Julii Diem quindecimum ad minimum, annuatim proſequantur; nec priuſquam Theſes, cæteraſque pro Comitiiſ publiciſ Præparationes perfecerint, neque abſque Præſidis Veniâ, à Collegio diſcedant.

6. CIRCITER Julii Diem quindecimum (Die à Præſide conſtituto) Sophiſtæ Seniores, à Præſide, Sociiſ, Tutoribuſ, et Generoſo quoviſ erudito, de eorum Cognitione et Progreſſu in Artiibuſ ac Scientiis liberalibuſ, cæteriſque, quibuſ ad Baccalaureatûſ Gradum capeſſendum, digni appareant, per duas Horas in Aulâ examinandos ſe ſiſtant.

7. OMNES Magiſtri et Baccalaurei reſidentēſ, Preceſ, Lectioneſ cæteroſque in Aulâ Sermonēſ publicoſ frequen-
tando, ſub Pœnâ Bibliothecæ Privilegii Privationiſ.

8. OMNES Baccalaurei reſidentēſ ſinguliſ Hebdomadiſ, vel aliter pro Præſidiſ Arbitrio, in Aulâ ſub Præſide diſputanto, ſub Pœnâ quatuor Denariorum pro Abſentiâ abſque Cauſâ rationabili.

9. PRÆSES

9. PRÆSES, Graduatos residentes æquè ac non Graduatos, Analyses, vel alia quævis Exercitia scholastica in Aulâ exhibere, ad eorum Peritiâ et Eruditionem exercendam et probandam, ordinabit.

10. QUILIBET Studiosus, in Sermone suo usitato et quotidiano, *Linguâ Latinâ* utatur, sub Pœnâ idoneâ, ad Arbitrium Præsidis et Tutorum constitutâ.

TITULUS IV.

De Moribus conformandis.

1. *:*:* IQUIS Scholaris Blasphemiae, Latrocinii, Fornicationis, Fabricationis falsarum Chartarum, *:*:* vel alicujus ejusmodi Sceleris flagitiosi reus fuerit, protinus expellatur.

2. SIQUIS Scholaris Scripturam sacram, vel aliquam ejusdem Partem Auctoritatis esse divinæ pernegaverit, vel Heresin aut Errorem aliquem Religionis Christianæ Fundamina subvertentem, asseverabit et pertinaciter vindicabit, post primam et secundam Admonitionem expellatur.

3. SIQUIS Scholaris Juramenti vel Voti profani, Dei Nominis, Verbi vel Institutionum Profanationis, fastidiosi vel contumacis erga Superiores Gestûs, Pugilationis, Percussionis, Litigationis, ad Pugnam Provocationis, Sermonis aut Gestûs turbulenti, Ebrietatis, Lasciviae, Vestitum foemineum induendi, Fraudis, Injustitiae, Ignaviae, Mendacii, Defamationis, vel alicujus ejusmodi Criminis reus fuerit, puniatur Mulctâ, Admonitione aut etiam Expulsione, prout Criminis Ratio et Status postulaverint.

4. SIQUIS Scholaris Furti reus fuerit, præter Mulctam idoneam, pro Damno triplam facito Restitutionem; et pro qualibet Injuriâ, Restitutionem plenam Parti læsæ præstato.

5. Si

5. SIQUIS Scholaris alicujus alius Ostium effregerit, vel Seram Instrumento quovis furtim aperiat, pro Delicto primo uno Solido mulctetur, pro secundo duobis, et pro tertio publicè admoneatur, in Classe deponatur, aut expellatur.

6. SIQUIS Scholaris Aleâ vel Chartis pictis unquam luserit, vel Ludo quovis licito, Pignore deposito, certaverit, vel, nisi cum Patre aut Guardiano, in Tabernâ infrâ duo Millaria à Collegio Potum aliquem inebriantem proposcerit; pro Delicto *primo* duobus Solidis et sex Denariis mulctetur, pro *secundo* quinque Solidis, et in Classe deponatur, et pro *tertio* expellatur. Et siquis Scholaris, Veniâ à Præside aut Tutore suo non prius impetratâ, Siceram, Vinum, aut alium quemvis Potum inebriantem in Collegium, aut in Cubiculum suum in Oppido intulerit, in Classe deponatur. Et siquis Scholaris Gladiis, Rudibus, vel Baculis batuat, mulctetur non plus uno Solido.

7. SIQUIS Scholaris Domum Academicam, Vitrum, Vallum, aut aliquid aliud ad Collegium pertinens Damno affecerit, aut è Fenestrâ exiliverit, aut Vallum tabulatum transtulerit, mulctetur non plus uno Solido, et Damna refarciat.

8. QUILIBET Scholaris, in Tempore Studio assignato, à canendo, vociferando ac strepitando penitus abstineto, sub Pœnâ quatuor Denariorum: Et siquis Scholaris, aliquo Tempore, Turbamentum, Tumultum, Strepitum aut Vociferationem indecentem fecerit, vel alium quemvis Scholarem, Præside vel quovis Tutorum præsente, vociferè compellaverit, puniatur non plus duobus Solidis.

9. SIQUIS Scholaris in Hominum improborum, otiosorum, aut Moribus perditorum Societatem se contulerit, vel in Cubiculo suo intra vel extra Collegium post Horam nonam Conventum admiserit, vel aliquem non propinquum, absque Veniâ, Hospitio acceperit, mulctetur non plus duobus

duobus Solidis. Et si quis Auctoritatem Collegii contempserit aut malè tractaverit, vel Studentem quemvis in Gestus aut Mores pertinaces aut contumaces in Collegii Leges aut Præfectus incitaverit, consuluerit, aut auxiliatus fuerit, vel quemvis Studentem in Dogmata vel Mores pravos allexerit aut seduxerit, Præses, à Tutorum Consilio Hominem sic delinquentem, ab intrando Collegii Limites inhibeat; et singulis Studentibus omni Consortio familiarī et Commercio cum illo interdicat: sub Pœnis idoneis, prout Rei Ratio et Status postulaverint.

10. PRÆSES, aut Tutor, quum sibi visum fuerit, ullum Collegii Ostium effringat, et si quis Scholaris Præsidi vel Tutori Admissionem postulatam recusaverit, vel in aliquo Turbamento supprimendo (si opus fuerit) auxiliari, vel accersitus advenire, vel postulatus Testimonium dicere recusaverit, puniatur Mulctâ, Admonitione, Degradatione aut Expulsione, prout Criminis Ratio postulaverit.

11. SIQUIS Scholaris erga Præsidem vel Tutorem pertinaciter, contumaciter aut fastidiosè se gesserit, pro Delicto primo puniatur Mulctâ, Admonitione, aut Deprivatione Privilegii Recentes, pro Tempore, mittendi; et pro secundo, in Classe degradetur aut expellatur.

12. SIQUIS Scholaris, de Præside, Socio, Professore, Tutore vel Ecclesiæ primæ in *Novo-Portu* Pastore, Libellum famosum scripserit aut publicaverit, vel quemvis eorum esse Hypocritam, carnalem, aut irregenitum Verbis expressis aut obliquis affirmaverit, vel Sermonem aliquo contumelioso aut convitioso impetiverit; pro Delicto primo publicam in Aulâ Confessionem exhibeto; et pro secundo expellatur.

13. SIQUIS Scholaris in Præsidem vel Tutorem Insultum fecerit, vulneraverit, aut percusserit, statim banniatur. Nec quisquam legitimè expulsus restituatur, aut Gradu ornetur, nisi prius Confessionem publicam in Aulâ exhibuerit.

14. SIQUIS Scholaris è Collegii Areâ absque Galero, Tunicâ aut Togâ exiverit, nisi ad Lufum approbatum, uno Denario mulctetur; si verò Vestitum indecentem induerit, mulctetur non plus duobus Solidis.

15. SIQUIS Scholaris Bombardam aut Scloppum custodiverit, aut intra Collegii Aream disploserit, vel venatum, piscatum, aut navigatum iverit, vel plusquam duo Milliaria à Collegio aliquâ Occasione decesserit, vel ad aliquam Curiam aut Conventum oppidanum, Nuptialem, juvenilem ad oblectandum, aut quemvis alium Congressum, quo Tempus pretiosum inutiliter conteratur, accesserit; absque Veniâ à Præside vel Tutore suo prius impetratâ, mulctetur non plus duobus Solidis.

16. OMNES Studentes erga *Novi-Portûs* Incolas justè et inculpatè se gerant; non inutiliter eorum Domus frequentantes, nec in aliquas eorum Litigationes se immiscuentes: Et super Delationem de Injuriâ, à Scholari erga oppidanum aut alium Scholarem factâ, Præses Justitiam decernet, et Compensationem fieri mandabit; quod siquis Scholaris recusaverit, publicè admoneatur, et si pertinaciter denegaverit, expellatur, ac (si opus fuerit) Syngrapha ejus in Jus vocabitur.

17. QUILIBET Recens Mandatum vel Nuncium idoneum, à Studente quovis in Classe superiori ei demandatum, accessere tenetur; quod si recusaverit, puniatur. Proviso quòd, in Tempore Studio assignato, nullus Graduatus è Collegii Areâ, aut non Graduatus alicubi Recentem mittat, absque Veniâ à Præside vel Tutore prius impetratâ.

18. SIQUIS Scholaris ultra Tempus à Præside vel Tutore concessum ex Oppido commoretur, et nullam mittat Excusationem idoneam, mulctetur quatuor Denariis *per Diem*, quàm diu abfuerit. Ac si non accesserit, aut Excusationem miserit usque ad Trimestris Finem, et Mulcta in trimestri Tabulâ irrogata fuerit, nullâ Ratione relaxabitur, nisi quinque Solidis excefferit.

19. NULLUS

19. NULLUS Alumnus Academicus Rem vel Negotium quodvis arduum, momentosum, inusitatum aut præter Academiae Consuetudines approbatas perficiat vel capeffat, nisi Præsidem prius consuluerit, et ejus Veniam impetaverit.

20. MULCTA, pro Criminibus et Delictis communibus irroganda, sit à tribus Denariis ad unum Solidum, pro atrocioribus, ab uno Solido ad tres, et pro maximis, non plusquam decem Solidis. Et ubi pro Delicto quovis particulari Mulcta his Legibus sit determinata, si Crimen audaciter, negligenter, aut crebrò sit perpetratum, penes sit Præsidem vel Tutores Mulctam graviolem, non plusquam duplam irrogare; vel Pœnam aliam Academicam, ad Crimen supprimendum sufficientem: Et quando Confessio publica plena et ingenua pro Delicto liberè oblata fuerit, in Pœnæ Relaxationem, è Præsidis et Tutorum Gratiâ, accipi liceat, nisi pro Delictis atrocioribus, ubi Admonitio publica, Degradatio, Expulsio, vel alia Pœna gravis necessaria fuerit.

21. QUANDOQUIDEM Leges particulares in singulos Casus et Occasiones occurfuris præscribi nequeunt, penes erit Præsidem, pro Arbitrio, Edicta, Mandata, et Regulas, secundum harum Legum Rationem et Analogiam pro Re natâ condere, statuere et edicere; et præterquam Crimina his Legibus recensita, omnia etiam alia Delicta et Facinora Legibus sacris aut civilibus, vel hujusce Societatis bonis Moribus repugnantia, Pœnis justis ac necessariis reprimere et castigare.

rc

TITU





TITULUS V.

De Cubiculis et Musæis.

1. {888} RÆSES, pro Re natâ, Cubicula et Musæa
 {888} P {888} Academica locabit, et ad Studentes particulares
 {8888} assignabit; et si quis Scholaris, in Cubiculo sibi
 assignato, commorari recusaverit, vel de illo in aliud,
 absque Veniâ, migraverit, mulctetur uno Solido, vel aliter
 puniatur, prout Criminis Ratio postulabit.

2. SIQUIS Scholaris Cubiculo potitus, ultra Tempus
 illi concessum, à Collegio abfuerit, vel Facinus quodvis
 perpetraverit, vel si alicui in Clâsse superiori opus fuerit
 Cubiculo, in his Casibus et consimilibus, Præses, pro Arbi-
 trio, Cubiculum concessum revocet, alterique assignet.

3. QUUM Cubiculum vel Musæum alicui Studenti
 assignetur, protinûs ille de Vitro, Foribus aut Tabulis
 fractis, vel alio quovis Damno jam illato, Scholarem
 Ædilitium certiorum faciet, qui id Libro conscribat, idem-
 que ad Præsidentem deferat, ut ille, qui in Cubiculo vel
 Musæo postremò commoratus fuerat, vel Damnum intulit,
 Compensationem facere compellatur. Et quam diu Cu-
 biculum vel Musæum alicui Studenti assignatum fuerit,
 ille (utrûm præsens vel absens) omnia in eodem Damna
 refarciat; nisi Providentiâ Dei inevitabili absque ejus
 Negligentiâ illa fieri comprobaverit.

4. QUUM in aliquo Atrio Vitrum frangatur, reparandi
 Sumptus in Scholares juxta Atrium illud degentes, et si in
 Aulâ, Bibliothecâ vel Conclavi quovis publico, in omnes
 non Graduatos æqualiter imponatur.

5. QUILIBET Scholaris, sive præsens vel absens, in Cubi-
 culo sibi assignato æqualem Ligni, Candelarum et Supel-
 lectilium Partem Impensarum sustineto.

6. QUILIBET

6. **QUILIBET** Scholaris extra Collegium commorans, Veniam de Cubiculo oppidano à Præsìde impetrato, nec de Domo in Domum migrare liceat, absque Veniâ à Præsìde prius concessâ, sub Pæna duorum Solidorum.

7. **OMNES** Studentes extra Collegium et in *Novi-Portæ* Oppido commorantes, iisdem Legibus et Regulis in eorum Cubiculis, cum eis, qui in Collegio resident, subjiciantur.

TITULUS VI.

De Dispensatore et Dimensis.

1. ✱:✱:✱ **DISPENSATOR** à Præsìde et Sociis constitutus, pro ✱ **D** ✱ Studentibus Dimensa, More olim instituto, ✱:✱:✱ procurato; Pretio à Præsìde et Sociis, vel eorum Delegatis, de Tempore in Tempus, indicto.

2. **QUILIBET** Scholaris in Collegio commorans Dimensorum fiat particeps: exceptis Servientibus, (à Præsìde constitutis) et Graduatibus per Dimidium Temporis; nec alicui à Dimensis dimitti liceat, absque Syngraphâ à Præsìde vel uno Tutorum concessâ; idque Diebus tantum Martis et Veneris, nisi Ægrotationis Causâ: quæ Syngrapha, ante Horam septimam matutinam vel in Vespere præcedenti, Promo tradatur.

3. **SERVIENTES** in Aulâ Prandium imponant in Mensas decentibus Linteis stratas, singulis Hebdomadis Dispensatoris Procuratione lotis. Et Tutores vel Scholares seniores præfentes Benedictionem in Cibum Supplicanto, et Gratias agant. Omnes Scholares inter prandendum decenter et compositè se gerant, et à Garrulitate abstinento. Nulla Esculenta aut Catini, nisi Ægrotationis Causâ et unius Tutorum Veniâ, ex Aulâ portentur. Nec ulli Scholari, Gratiis nondum actis, exire liceat; et Prandio peracto, Servientes Catinos et Lintea in Culinam reportent. Inter
cænandum

cænandum in Cibos callidos similis Ordo sit observandus: Et si quis in alterutro horum deliquerit, sex Denariis mulctetur.

4. DISPENSATOR, Catalogum Catinorum cæterorumque Utenfilium Culinariorum ad Collegium pertinentium, Præsidi et Sociis annuatim reddat; et si aliqua eorum à Famulis ejus amissa vel Damno affecta fuerint, ab illo refarciantur. Et Culina nec non omnia Utenfilia Culinaria nitida et suavia conservantur.

5. DISPENSATOR, omnia Cubicula et Atria Academica, de Die in Diem, verri; et Lecta sterni procurabit: Quapropter quilibet Scholaris Dimensorum particeps sesquibolum, et quilibet Dimensorum expers, utrum præsens vel absens, Triobolum illi numerato.

6. SUB cujusvis Terminis trimestris Finem, Dispensator, duas Tabulas consimiles conscribat, singulas Pensiones trimestres, à Studente quolibet solvendas, seorsim complectentes, viz.

Pro Tuitione,	£. 0 : 6 : 6
Pro Musæi Redditu in Collegio-Yalensi,	0 : 0 : 9
in Aulâ-Connecticutensi,	0 : 1 : 2
Pro Reparatione variisque Sumptibus } Contingentibus, }	0 : 1 : 0
Pro Cellariæ Ufu	0 : 1 : 4

Unâ cum Computis irrogatis pro Vitro fracto, aliisque Damnis illatis, Mulctis, Dimensis, ^{et} ~~and~~ Cibariis certâ Portione sumptis. Studentes Gradu ornati, in Tuitione et Sumptibus Contingentibus, omittantur. Et Dispensator Tabulas istas ambas Præsidi exhibeat, quæ ab illo et uno Tutorum approbatæ, à Præside obsignatæ fuerint, quarum unam Præses Dispensatori tradet, et alteram custodiet, unâ cum Syngraphâ per Dispensatorem inscriptâ, agnoscentem se alteram Tabulam recipisse, et de Summâ totâ contentâ Rationem Præsidi et Sociis redditurum. Et Dispensator Pecuniam totam in Tabulis trimestribus contentam

tentam colligat; et Libras duas ad decem Solidos annuatim de Promo pro Dimensis amissis; necnon septem Solidos et sex Denarios, propter Prandium parandum de quolibet Gradum capeffente. Atque Summam Pecuniæ totam secundum Præscripta à Præsidente et Sociis indicta numerato.

7. PECUNIA his Legibus conscripta *Sterlingum, b. e.* bona et legalis *Magnæ Britanniae* Moneta, intelligenda est.

TITULUS VII.

De Promo.

1. ROMUS, de Tempore in Tempus, omnium
 P Dimensis victitantium Tabulam conscribat: et
 Dispensatoris Panem ac Cerevisiam in Dimensa
 et Portiones æquales distribuat; et pro Labore suo per
 singulos Terminos trimestres septem Solidos Dispensator
 illi numerato. Promus quoque sibi accipiet omnia Panis et
 Cerevisiæ Dimensa amissa; pro quibus cæterisque Privilegiis
 quinquaginta Solidos Præsidi at Sociis annuatim solvat.

2. PROMO Licentia conceditur in Promptuario vendendi
 Vinum pomaceum, Hydromeli, Cerevisiam fortem (non
 plus quàm Cados viginti annuatim) Saccharum rigidum,
 Tubulos, Tabacum, et talia Scholaribus necessaria, non à
 Dispensatore in Culinâ venalia. Nec alicui Scholari Vinum
 pomaceum vel Cerevisiam, aut communem aut fortem,
 nisi in Promptuario, emere licebit. Promo in his vendendis
 Præsidis Præcepta observante.

3. PROMUS, Mane et Vesperis quotidiano, Tempore à
 Præsidente constituto, intra Horam Sextam et Solis Ortum
 vel Occasum, Præsidi, vel, illo absente, Tutoribus vicissim
 astato, propter Preces in Aulâ peragendas: Et Mandato
 recepto, Campanam pulsato: idemque faciet omnibus
 publicis

publicis in Aulâ Conventibus, quibus Præses adesse solet. Promus quoque Campanam pulsato pro Jentaculo, Prandio, et Cœnâ; et pro Studiendi Tempore, semihorâ post Jentaculum, et sesquihorâ post Prandium, atque Horâ nonâ. Et si quis Scholaris Campanam pulsaverit, nisi è Jussu Promi, Occasionibus supradictis, vel è Præsidis aut Tutoris Mandato speciali, mulctetur non plus duobus Solidis.

4. PROMUS Tabulam conscribat Mulctarum à Præside et Tutoribus impositarum, unâ cum Pœnarum Causis, quam, ad cujusvis Trimestris Finem, Dispensatori tradat; qui ejusdem Exemplar Scholarium Parentibus mittat, vel penes se conservet, ut ab iis spectetur.






5. PROMUS, quotiescunque opus fuerit, Candelas in Aulâ collocato: et procuret, ut Mensæ, Cathedræ, aliæque ad Aulam spectantia, in propriis Locis conserventur. Et si quis Studiosus aliquod at Aulam spectans, absque Veniâ exportaverit, quatuor Denariis mulctetur, Damnaque refarciat.

6. PROMO Licentia conceditur, ut Servientem, Præside approbante, constituat, qui ejus Vice Officia supradicta perficiat.



TITULUS VIII.

De Bedello, Monitoribus et Scholari Ædilitio.

1.    EDELLUS, à Præside constitutus, omnia Mandata  B  legitima Auctoritate Academicâ edita, Exequendi Potestate plenâ vestiatur.

2. MONITORES, à Præside constituti, omnes absentes, tardè venientes, aut citiùs egredientes è Precibus et aliis in Aulâ Exercitiis publicis, quibus Studentes interesse tenentur,

tenentur, observanto, et in Tabulis notent; quas, (unâ cum Nominibus Declamatorum) qualibet septimanâ, vel quoties requisitæ fuerint, Præsidi vel Tutori cedant.



3. MONITORES omnes Mulctas, propter Absentiam à Precibus vel aliud quodvis Delictum, in Aulâ impositas, notent, et Promo deferant.

4. SCHOLARIS Ædilitius, à Præside constitutus, Vitrum in Collegii Fenestris fractum, et aliud quodvis Damnum Collegio factum, diligenter observet, et notato; unâ cum Tempore in quo, et Personam per quam illatum fuerat: Et quolibet Trimestri talium Damnorum, in quemlibet Scholarem Secundum Leges Academicas impositorum, Tabulam conscribat, Præsidi que vel Dispensatori cedat. Et Scholaris Ædilitius, usque ad Meridiem Diei Veneris post Comitia publica, apud Collegium commoretur, atque illo Tempore Damnum in aliquo Cubiculo factum, è Delatione illius, cui assignatur, inspicere tenetur.



TITULUS IX.

De Bibliothecâ.

1. MO, nisi Præses, Socii, Tutores, Dispensator, N Magistri et Baccalaurei apud Collegium commorantes, et duæ Classës Seniores, Libros è Bibliothecâ desumendi Privilegio gaudeat: Provisò, quòd Præses Licentiam concedat, ut Sophimori quosdam Libros particulares de Linguarum et Logicæ Rudimentis, rarò à Classibus superioribus usurpatis, desumant.

2. OMNIS Magister, Baccalaureus et non Graduatus, pro Libro quovis è Bibliothecâ sumpto, in Folio, Tribolum; in Quarto, Denarium; in Octavo aut Volumine minore, fefqui-

sesquiobolum; et Libello soluto, quadrantem; atque duplum illius summæ pro Libro quolibet recitato, perensem Bibliothecario solvat; et si Librum aliquem intraensem non reddat, duplum quoque summæ prædictæ perensem, eadem Ratione per Partem Mensis, donec Liber reddatur, solvat; exceptis Libris in Folio, qui duos Menses detineantur; nec ullus Studens plures quam tres Libros uno Tempore habebit.

3. NEMO, inscio Bibliothecario, Librum quemvis è Bibliothecâ defumet: et Bibliothecarius, Libri defumpti Titulum et Magnitudinem, Nomen defumentis et Tempus quo defumitur, et redditur; in Tabulâ notato.

4. QUICUNQUE Librum è Bibliothecâ defumpserit, omnia Damna in eum illata resarcire tenebitur, et pro Verbo quolibet ab illo in Librum inscripto, pro Arbitrio Præsidis vel unius Tutorum, mulctetur.

5. BIBLIOTHECARIUS Præsidi et Sociis Computum de Pecuniâ, Ratione prædictâ, per illum receptâ, reddat; et ab iis pro Labore suo remunerabitur, et siqua Pecunia supersit, in emendo, ligando aut tegendo Libros, vel aliâ Re quâcunque in Bibliothecæ Commodum expendetur.

6. TUTOR senior, pro Tempore quo fuerit, erit Bibliothecarius, et in Bibliothecâ bis singulis Hebdomadis, Temporibus à Præside constitutis, ad hoc Negotium attendet.



TITULUS X.

De Comitiiis publicis, Gradibus et Vacationibus.

1. {§§§§} MNES Studentes, qui apud Collegium per
 {§§} O {§§} Quadriennium commorati fuerunt, et Studiis
 {§§§§} propriis omnibusque Instructionibus publicis
 sedulò

sedulò incubuerunt, atque per Examen à Præside constitutum, Linguae Latinae ac Graecae, Logicae, Mathematicorum, Philosophiae naturalis ac moralis, totiusque Literaturae Academicæ periti comperiuntur, nec ullum Facinus aut Legum Academicarum Transgressionem perpetraverint, è Præsidis et Sociorum Gratiâ, Gradu primo, *i. e.* Baccalaureatûs in Artibus, condecorari expectent.

2. QUI per Triennium à Gradu primo suscepto, Literis incubuerunt, nec ullum Facinus perpetraverunt, è Præsidis et Sociorum Gratiâ, Gradu secundo, *i. e.* Magistratûs in Artibus, condecorari expectent.

3. QUILIBET Gradûs secundi Candidatus, Tempore competenti ante Comitibus publica, ad Collegium accedat; et Locos communes vel Sermonem aut Dissertationem aliquam, ad suum in Eruditione Profectum patefaciendum, exhibeto.

4. QUILIBET Gradûs secundi Candidatus, Desiderium suum, Mensem saltem ante Comitibus publica, Præsidi præmonstrabit; propriâque Personâ suâ adesto. Si vero in aliquo Casu, Præses et Socii, è Gratiâ speciali, absentem quemvis Gradu condonarent, ille, Sex Solidos, aut prout Præsidi et Sociis visum fuerit, in Ærarium Academicum numerabit.

5. QUILIBET Candidatus pro Gradu donando, octo Solidos et sex Denarios Præsidi numerabit.

6. NULLUS Scholaris Gradu donetur, priusquam Dispensator Præsidem fecerit certiozem, quòd omnia Debita sua Academica solverit; nec priusquam Debita sua in Oppido *Novi-Portûs* soluta sint: *Provisò*, quòd decem Dies ad minimum ante Comitibus, Delatio scripta Præsidi sit exhibita.

7. DIE

7. DIE Comitiorum, Præses Acta publica inchoabit Precibus ac consummabit: Tempore ante-meridiano unus Baccalaureorum Orationem habebit, et cæteri ex Ordine disputabunt; et pomeridiano, Magistri eodem Modo facient.

8. SIQUIS Scholaris, Tempore Comitiorum, Tormenta disploferit, vel illorum Displosioni ullo Modo auxiliatus fuerit, vel Strepitum aut Conturbationem magnam excitaverit, à Præsede, è Consilio Sociorum vel Tutorum, pro Arbitrio puniatur.

9. NULLI Scholares Collegium illuminanto, vel aliquod Spectaculum publicum exhibeant, nisi Veniâ a Præsede prius impetratâ.

10. NULLUS cujusvis Gradûs Candidatus, in *Septimanâ*, quâ Comititia publica habentur, in Cubiculo suo custodiat ullum Genus Esculentorum aut Siceræ, præterquam publici in Aulâ Prandii Reliquias, Potum è Cocoâ confectum, Theam, Vinum et Hydromeli; sub Pœnâ Exclusionis à Gradu quem ambit, omnibusque Collegii Honoribus et Privilegiis futuris, et Mulctâ quinque Solidorum; in proximâ Tabulâ trimestri irroganda. Et quilibet Delationem, de hac Lege fractâ, Præsidi exhibens, Premium quinque Solidorum vendicabit. Nec ullum Convivium aut Compotatio generalis, alio quovis Die aut Occasione, Scholaribus permittatur.

11. A Comitibus publicis, per sex Hebdomadas, et à *Maii* Die sexto, per Hebdomadas duas, datur Vacatio: Cujus sub Finem quilibet non Graduatus accedere tenetur, sub Pœnâ quatuor Denariorum per Diem.





TITULUS XI.

De Collegii Auctoritate.

1. ✱:✱:✱ COLLEGII hujusce Auctoritas Legislativa penes
 ✱ C ✱ est PRÆSIDEM ET SOCIOS, qui omnia
 ✱:✱:✱ Statuta, Leges, Regulas et Edicta, (Politiciæ
 civilis Legibus non repugnantia) condendi et sancienti,
 prout illis visum fuerit, Potestate vestiuntur.

2. HUIUSCE Collegii Potestas executiva præcipuè penes
 est PRÆSIDEM; qui Auctoritate pollet, Collegium
 omniaque ad id spectantia Negotia, necnon omnes Stu-
 dentes, tam Graduatos quàm non Graduatos, imperare,
 gubernare et dirigere, secundum Leges, Regulas et Sta-
 tuta à Præsidente et Sociis, sancita; ubi vero ea deficient,
 secundum Collegii Consuetudines antiquas et conscriptas;
 at illis deficientibus, pro Judicio et Arbitrio suo. *Provisò,*
 quòd in Rebus difficilibus et momentosis Præsides consulat
 Tutores: Et in Casibus extraordinariis, valde momentosis,
 citòque determinandis, Præsides cum duobus Sociis Conven-
 tum Corporationis indicet; at si id commodè fieri non
 posset, consulat quot faciliè congregari possint.

3. SINGULUS Tutor, à Præsidente et Sociis constitutus,
 Collegium sub Præsidente procurato et moderetur: Propriam-
 que Classè sibi commissam instruat; et in quemlibet
 non Graduatam, propter quodvis Delictum contra Leges
 admissum, Pœnam non plusquam unius Solidi, irrogandi
 Potestate vestiatur. *Provisò,* quòd in Rebus dubiis et
 difficilibus, sine Præsidis Consilio et Directione, non
 progrediatur.

4. NULLUS hujusce Collegii Alumnus, nec aliquis illius
 Vice, quamvis Dicam aut Querelam versus quemvis hujusce
 Collegii Alumnum aut Officiarium, propter Injuriam aut
 Defectum

Defectum aliquem allegatum, coram quâvis Curiâ aut Auctoritate, præterquam Auctoritate Academicâ, prosequatur, priusquam Causa à Præside et Sociis audita fuerat; sub Poena, quod quilibet Scholaris talem Dicam prosequens, vel alium illius Vice prosequi permittens, protinùs expellatur.

5. **QUILIBET** hujuce Collegii Præses, Socius, S. S. Theologiæ Professor, et Tutor electus, priusquam Negotium publicum capefferit, in Aulâ Academicâ Confessioni Fidei et Disciplinæ Ecclesiasticæ, ab hujusce Coloniae Ecclesiis receptæ, et hujus Ditionis Legibus sancitæ, Assensum publicè exhibere obligatur.



Collegii Yalensis,

SYNGRAPHA secundum has Leges pro
Admissionis

Candidato, data est mihi,

Dispensatori.

Collegii Yalensis,

AD MITTATUR
Collegii Yalensis Alumnus,

PRÆSES.

} **Tutores.**



ELENCHUS TITULORUM.

T I T. I.	
De Admissione in Collegium,	<i>pag.</i> 1
T I T. II.	
De Vitâ piâ ac religiosâ,	<i>pag.</i> 3
T I T. III.	
De Exercitiis Scholasticis,	<i>pag.</i> 5
T I T. IV.	
De Moribus conformandis,	<i>pag.</i> 7
T I T. V.	
De Cubiculis et Musæis,	<i>pag.</i> 12
T I T. VI.	
De Dispensatore et Dimensis,	<i>pag.</i> 13
T I T. VII.	
De Promo,	<i>pag.</i> 15
T I T. VIII.	
De Bedello, Monitoribus et Scholari Ædilitio,	<i>pag.</i> 16
T I T. IX.	
De Bibliothecâ,	<i>pag.</i> 17
T I T. X.	
De Comitibus publicis Gradibus et Vacationibus,	<i>pag.</i> 18
T I T. XI.	
De Collegii Auctoritate,	<i>pag.</i> 21



D755
Y172Y

65-73
Oct 1964
Cedric L.
Robinson